

Thema: Prater Wien

Autor: k.A.

„A so a falscher Hund!“, sagte Herr R. zum Bezirksrichter. „A so a hinterfotziger Lackel! A so a ohdrahter Kerl! Wann der heut da wär, i watschert eahm no amal direkt vur Ihna oh, dass eahm Hörn und Sehn vergehert!

Der Mann, von dem i red, is der Schimanek Wikkerl, und i hab eahm neilich troffn, wie i mit der Lilli, meiner Freundin, im Prater war. Er hat se sofort zuwegschmiert, obwohl eahm kaner braucht hätt, hat der Lilli Rosn gschossn, hat ihr a Lebzelterz kauft und hat se dann was erlaubt, für des i eahm no amal ohwatschn tät, direkt vur Ihna, Herr Rat, wann er heut da wär.

Er hat de Lilli und mi zu aner Ringelspülfahrt ingladn, und zwar auf an Ringlspül, wo de Sitz auf lange Kettn hänga und wo ma wie in an Scherm drinn sitzt, und mit an Ketterl uman Bauch anhängt wird.

Auf so a Fahrt hat er uns eingladn. Und er hat den Ringlspülschupfer fünfzehn

Weiteres BEZIRKSGERICHT



Drahdwaberl

Euro gebn und hat eahm eingredt, dass mei größte Freud des Ringlspülfahrn is. I wüll mindestens zehn Rundn drahn, hat er eahm derzählt, aber weil i mi vur meiner Freundin genier, werd i immer so tuan, wie wann i aussteign mecht, und er, der Ringlspülschupfer, muass mi dann immer zu aner neichn Fahrt überredn.

Und des hat se dann so ohgspült: Mir san zu dritt gfahrn, dann is der Wikkerl mit meiner Freundin ohgstiegn, i wollt ebenfalls obe, und der Liliom hat mi aus mein Sitz net außelassn. Er hat ma augenzwinkernd des Ketterl um mein Bauch enger gschnallt, hats ganz verzwick und hat ma an Steßer geben,

dass i in mein Scherm wie a Drahdwaberl in de Höh gstiegn bin.

Auf de Art hab i fast a Stund lang in der Luft verbracht, i bin dauernd im Kras gflogn wie a nervlich bedienter Turmadler

und hab von obn gsehn, wie der Schimanek Wikkerl mit meiner Freundin in an Wirtshausgartn sitzt und mit dem Madl in aner ausgeschamten Weise kokettiert.

Mit an Naglscharl, des was i immer bei mir hab, is ma dann gelungen, des Ketterl um mein Bauch wieder aufzquaarn, i bin eahm auskumma, dem Liliom, und hab dann bei der Lilli obn in Wikkerl auf a Krenfleisch zsammghaut. Weil i war der Kren, und er



hat se fleischlich bei meiner Freundin begäult, ja, so wars. I bin normalerweise net sehr eifersüchtig, lieber Herr Richter, deshalb gibts nur ans: gschwind ‚Im Namen der Republik‘ sogn und an Freispruch verkünden.“

Zur Einvernahme von Fräulein Lilli wurde die Verhandlung vertagt.